

白蓮詩

淵明歸西天不作東林社不見張昌宗無人
舉此話誰家栽綠荷薰風漾碧波底水晶
空化出玉姬娥嫣然冷無語冰肌臥曉雨東
君如夏日此花不受暑一點天然香隨風入
畫堂折之置坐隅窈窕弄玉郎忽然心緒變
如覩佳人面寄語明月樓莫時雙飛燕

鍊丹不成

八兩日月精半斤雲霧屑輕似一鴻毛重如
千秤鐵白如天上雪紅如猩猩血收入玉葫
蘆秘之不敢泄夜半忽風雷煙氣滿家次這
般情與味啞子咬破舌捧腹付一笑無使心
腦熱要整釣魚竿再斫秋筍節

修真十書武夷集卷之四十八

修真十書武夷集卷之四十九

贈王太尉

笑曳華裾出禁廷一聲長嘯萬山青歸來車
馬如雲擁掃去蒼星似夢醒紅碼碯盃斟白
酒碧珊瑚枕倚朱屏也須趁取些強學作箇
唐人五達靈

復盧良庵韻

擬占朝班最上頭官清冷似一天秋風花雪
月千金子水竹雲山萬戶侯海客盟鷗終不
動寒翁失馬更何求明窻淨几華胥外蝴蝶
翩翩自夢周

題張知丞儵然軒

不著人間一點塵儵然一室貯幽人清宵甕
下酒中聖白晝筆頭詩注神芳草惜鋤憐綠
淨落花慵掃愛紅勻碁聲隔斷華胥路自把
博山燒暮春

和葉宰韻題震无咎齋

蝸角蠅頭既可憎如何又問利和名學他太
古先天妙合取中庸一點誠乾坤所謂日月

祖坎離乃是天地精工夫學到震无咎隻字
拔茅乘泰亨

立秋有懷陳上舍

沒巴沒鼻落一葉發顛發狂何處風九十日
暑掃地去滿懷汗珠尋已空却煩察判潘孺
子說與上舍陳友龍未宵無雨必好月一樽
還要與君同

夢中得五十六字

醉醒曳杖訪松關正在黃昏香霧間既去復
來秋後暑似無還有雨中山澗邊幾葉晚花
落天際一鈎明月彎自覺餘煙埋屐齒行行
印破鮮痕斑

胡中隱庵中傷春

盡把天工付祝融東皇歸去太華宮稜稜山
色聳蒼玉湛湛波光浸碧銅楊柳入天鳩要
兩海棠落地蝶嫌風好將杖屨西園看萬紫
千紅一夜空

寓息庵送春

筆下自然詩料飽天工釘出好山溪魚知水
暖不勝躍鶯見花飛只管啼樹頭鳩使婦喚

兩屋後竹教孫出泥太白十五人既醉君桃
洞口日銜西

胡子羸庵中偶題

道人慣喫胡麻飯來到人間今幾年白玉樓
前空夜月紫金殿上起春煙閑傾一盞中黃
酒悶掃十章內景篇昨夜鍾離傳好語教吾
且作地行仙

贈天台老樊

別後俄驚幾許春相逢一笑挹南薰仄頭土
面無人識不食草衣嫌俗紛在浙之台今已
久姓樊名邴寂無聞為君傳此新詩去寄與
鉛山趙翠雲

贈吳草裘

聞道青城有老吳話頭入耳十年餘偶同藝
女無憂客來到天台撞見渠身上衣衫惟素
布口中談吐盡丹書想君已是千餘歲誰道
神仙世上無

寄蘇侍郎

往古來今如換肩我疑公便是坡仙滿城都
沒箇伯樂一日可能無樂天方且論文俄判

袂不知握手又何年忽然鐵笛一聲響響到
金華古洞邊

天開畫樓圖

層層疊疊入蒼冥千山萬山相送迎晴雲已
抹收未了溪尾更潛餘霞明化工朝暮費點
染丹青變態墮深淺凭欄展空千里眼却愁
此軸難舒卷

贈危法師

曾見先生在九華朝餐玉乳看瓊花鹿冠夜
戴青城月鶴鬢晨披紫府霞偶携劍在人間
世未把琴歸仙子家一笑相逢松竹裏炷香
新話啜盃茶

遊揚梓巖

天半秋風鳴萬松花半落夕陽紅寮煙暗
鎖仙壇古野草深藏丹竈空人採紫芝何處
覓我來白晝不相逢一聲簫管笑揚袂秋色
滿懷詩興濃

燕巖遊龍巖巖主話別

西風吹作此巖遊滿目松筠翠欲流玉燕不
飛明月夜石鍾一振曉霜秋惜乎分手便南

比忽爾回頭欲去留且去人間辦丹料却來
山頂結茅休

題舒氏難老亭

別是人間一洞天椿松鬱鬱起祥煙德同桂
種不知歲福與水流無盡年萱草堂前千古
事蓮花池上兩神仙萊衣戲綵人無恙結盡
溪山風月緣

三十三天第一天玉皇殿下長輕煙不知劫
數今何代方是延康第二年弱水無船歸似
箭華胥有夢且遊仙携筇難老亭前坐且結
焚香淪茗緣

手持一枚寒水晶十指擊葛如玉鳴曲彈白
雪陽春調調有高山流水聲松梢鶴唳恰夜
半寒煙寂寂風泠泠紙衾瓦枕冷如水履轉
無夢睡不成起來搔首撫一闌吟罷滿山秋
月明

贈琴客陸元章

好松好竹好溪山車馬駢闐自往還行客聞
驚新酒白入門踏破嫩苔斑我言物外清幽

題樓仙館

地却似塵中闌闌間穀粟桑麻空澗屋主人
陪接不曾閑

雨中題棧館

風攪長空秋雨懸路如苔滑懶搖鞭入門指
僕買杯酒磨墨倚窓吟一篇黃竹遠蒼黃蟻

戰白蘆映水白鷗眠一聲長嘯便歸去回首
孤村空暮煙

仙巖金仙閣

仙巖金仙閣

寒煙鎖斷梵王家一篆博山飛冷蛇滿天秋
雨落瓊花清溪漲綠浸平沙老松墜石巖爭

聳青蘿拽樹牽雲遮竹浪倒出鳥翅斜夜半
寒風攪宿蟻木魚喚粥蝴蝶醒巖頭殘月沉

丹井

慵庵

絳闌清都舊姓名此生落魄任天真橫窓古
硯前朝水掛壁閑琴幾日塵幽草莫鋤浴石

靜落花不掃襯苔白倩風來作關門僕借月
權爲伴酒人言史無言古滋味關山不動畫

精神有茶不作蝸牛戰無夢可爲蝴蝶身一
得自家慵底事幽禽簷外一般春

怡齋

逸士幽居松竹林小堂偃枕北山陰夜深冷
月寒蓬戶曉起清風爽襟余把劍更餐盃面

酒收書破動壁頭琴自從一見羲皇面千古
誰知養浩心

天谷庵

半天突出一奇峯小茅庵滋味濃夾道新
松招夜月滿林幽竹喚秋風迎人野鳥間關

語惱客巖花爛熳紅策杖且隨流水去柴門
時借白雲封

降真室

瓊鍾發響絳旛飛窻外青鳥半夜啼松竹無
言爭地靜見辰可摘覺天低黃雲屋角騰金

輦素月簷頭放玉梯稽首紫皇初宴罷步虛
聲斷乞刀圭

贈慵庵盧副官

山色凝雲翠幾重鳥聲鶯落夕陽紅要跨琴
去彈秋月且撥茶來著晚風一度醉眠知事

少數者吟暢覺心空慵庵不與人相與關上
柴門滋味濃

盧叔裕清貧軒

一味逍遙不管天日高大五尚閑眠溪魚村
酒別般味野蕨山穀不用錢囊爛柴門關小

運乾柴白米煮清泉有時拄杖青松畔便是
人間快活仙

劣隱

世態炎涼覺鼻酸洞門空掩綠煙寒仗三尺
劍臨風舞把一張琴對月彈斫竹數竿容水

過倚松半日執經看山林心緒得閑處好鍊
長生不死丹

修真十書武夷集卷之四十九

修真十書武夷集卷之四十九